

四庫全書

史部

欽定四庫全書

史部

畿輔通志卷一百十六

七

詳校官監察御史_臣劉人睿

檢討_臣德生覆勘

總校官進士_臣繆琪

校對官中書_臣牛稔文

謄錄監生_臣袁繼升

欽定四庫全書

畿輔通志卷一百十六

賦

本朝

皇畿賦

郭棻

粵稽如王作禹貢山川壤賦肇始於冀州姬相定職
方疆域道涂致詳乎雍土斯固古皇之鴻冊奕世之
環文乎厥後圖傳三輔絢兮帝里之華賦練十年蔚

爾神臯之麗則又情殷揚厲藻采揆而匪葩且其意
寄瑱規綺縠鋪而如組也殆極詞林之黻黼殫意匠
之雕鏤者歟洎卯金典午之增華迺調宮叶商而競
獻凡都皆賦十六家玉戛而金擬受詔輒成數百篇
雲流而錦爛曰登堂曰入室駢傳文園洛下之奇或
給札或橐毫僅抗上林甘泉之盛曷邦畿十里不聞
授簡以摛辭豈帝式九圍弗許劈箋而紀麗乎洪惟
昭代奠鼎燕京八郡星羅地振河山之領三關屏峙人

環日月之眉洵震旦神州寰宇天府也已使帝京載
咏駱丞難擅美於永淳王曾為圖唐室詎矜雄於貞
觀嗟燕丹決策僅傳督亢之圖惜范鎮揮毫祇著幽
都之賦爾竊嘗盱衡畿甸乾獄以東岱宗以北千川
瑰麗聿可慕組以成章緬考輿圖黃河之陽瀚海之
陰百代英華尚竚采掇而集粹也迺者

異命特宣徵志藉於九有因而賁文遐邇舊州郡之三長
故有博麗張華亦多核侔韋澳東西南朔胥鱗次以

報竣堂奧門庭尚觚懸而有待頃者臣甫脫素冠畧
親紉帙忽枉台使之駕旋徵子墨之辭謂燕趙人定
諳慷慨悲歌之故事矧瀛洲客曾鑿石渠天祿之藏
書莫嗟文獻之無徵竊憲邑乘之具在捃摭而充棟
芝函與芸帙聯馨排類以盈牕櫺簡並瑤編萃馘是
誠三輔典則之府而千秋得失之林乎夫地為畿輔
固仿京兆馮翊扶風之制象天之有輔弼然且志以
通名宜如通典通考通鑑之章比水之能通流也述

而不作式彼古賢斐然有章裁乎諸子於是諏日啓
館遴才授書按郡而分曹綫索由乎一手發凡以起
例規矩範乎羣材既鮮餅餌之咨庸有燧斛之傳筆
花生江夢晴牕不羨太乙之藜硯沼吐龍賓雪夜爭
難子京之燭閱五月而視草週一祀以成編不欲如
三輔之圖旁搜瑣言屑論豈復效兩京之賦近寫輦
路郊圻覽者固可展卷而瞭然作家猶云長言之未
足臣感斯說追琢有章客待其成覆幬爾訕鎔金劑

王深慙擲地之無聲妃白對黃忍詗剪花而有絲聞
之古者採風備詩人之體登高號大夫之才顧小子
無知迺大言不怍乎猥以邠岐豐鎬臣工奏揚抗赤
縣之文且而趙魏蜀吳霸國侈鋪張皇州之什臣幸
產澗瀍之左右欣逢

堯舜之勲華倘焚硯輟毫輒欲遜徽於往哲而瞻雲就
日烏由紀盛於來髦也景勒鴻篇權輿通志雖愧蒙
塵之缶實非無當之卮庶幾颺采甸之靈綏繪

皇畿之壯麗云爾賦曰

天開子孳地闢丑紐萬彙演寅三才莫偶玄冥太昊
東北元首軒邃結繩而垂衣裳命稟陸氏以尹其方
幽州之名迺肇錫於陶唐於是璇璣仰窺玉衡平測
分野判星營宮繫國析津之垣照乎扶桑之維尾箕
之宿占乎朔方之陞帝座奠乎天市后府偃乎天雞
傳說乘乎八馬天江網乎魚龜相幽都之弘敞允象
緯之燦麗也載攷天官家之言曰雲漢天章發源析

木翁一練以渡潘岐兩灣而布濩澹蕩乎室壁昂畢
之宿貫穿乎姬訾降婁之度其野則跨邯鄲趾頓邱
其宿則聯箕豹絡尾猴於以識在天之為環拱者在
地宜為衛侯堯命和叔平在朔易化狴獠而於變闢
甌脫而顓臾先是則軒轅宮乎涿鹿之傍顓頊國乎
高河之陽帝摯封弟於唐繼茲河亶甲都相祖乙居
耿歷盤庚而五遷乎商有虞分封於薊於滑泰龍之
墟韋城之闕有夏分封天雄之壻澶淵之竭昆吾豕

韋跡猶未沒西伯燹伐東周是營列爵分土之翰之
屏召爽有國北燕始興他如邢滑修極新昌無終一
十九域趙魏為雄嬴炎曹馬郡縣百城隋之常山襄
國武安博陵河間信都上谷北平遼西漁陽與趙涿
汲鄆而並稱唐之曰恒曰相曰定曰邢曰莫曰冀曰
深曰瀛曰趙曰薊曰順曰營曰檀曰涿曰媯曰平暨
單于都護而異名咄南北之瓜剖嗟五季之虎爭宋
以白溝為鴻溝金以總管為五京元立燕都府號大

興鎮藩服路兵民統承日月並而南都奠鼎茅旌錫
而北平剪桐迨金川之既靖乃玉步之俄更兩都對
峙八郡直隸幽燕趙魏為采為衛垂三百年統緒廢
墜天命有歸

聖人出震叶寅方之禎符乘木德之景運掃妖氛以白旄
膺瑤圖於紫禁定軍都如郟鄏卜幽燕如澗瀝堯平
陽而舜蒲坂漢咸陽而唐長安疇克如東北為天地
之仁氣尾箕有帝后之尊躔者庠於都哉百神萃萬

國朝梯航達乎冰天桂海車書渾乎溪蟹峒徭元龜
象齒戎索無不貢之包茅兕離傑侏殊方多來享之
瑯瑯郊圻詎祇千里風雨洵稱四交輪而睇之廣而
步之東無疆也疆以渤海西無域也域以太行南無
際也際以黃流之頡洞北無垠也垠以紫塞之昂藏
艮之維榆關跨虜碣石巽之維鄒魯連乎濮陽坤之
維鄴下倚山而繡錯乾之維蜚狐結塞而罩張陋彼
河山之四塞雄茲帶礪之八方言登其山厥有銀山

鐵壁千年積雪翠屏香陁百丈巖崿潭拓留撥龍之
潭叅谷傳吹灰之垤盤山三盤千古一翠螺山二螺
半灣如醉壁削峰崿嵐飛黛媚奚啻衡嶽之七十有
二峰烏止南朝之四百八十寺百花之陀偈及嵯峨
非復不攀非鳥不過靈葩忍草黃帝岐伯之所未曾
羅上方之頂磴梯道迴徑蟠曲松巔汲深井曰石經
曰房山梵宇剝剝於礪礪聖水潄滌於洄灘曰玉屏
曰龜鏡平巔可坐萬夫香霧時流一洞是皆幽薊涿

鹿之巨境也至若平州絕界遼西控邊角山騰蹕而
插野如怒蛟之伸拳孤山蜿蜒而赴海儼渴驥之奔
泉其兕轉折旋又有然也郎山如海上之三峯燕昭
求仙之臺矗矗茂山分玄嶽之一壁黃帝問道之蹟
穆穆上下清虛傳抱朴之丹錄大小雄山枕雷溪之
碧曲萬春雲臺桂巖大胎瀛郡有阜突兀皆崿海螺
雲鳳一縱一橫鎮州之麓矢直而徑恒山接清涼之
背一嶺界乎趙代中山居定州之心小岨而名乎都

會華山草木四時紅宛矣淮陰之赤幟箕山泉石千
年幽緬然巢許之高致維此古那居行之陘米花老
雪各像其形白銀黑壁雲母星星維此廣平山號聰
明靈源邃麓迴合杳冥曰紫曰紅曰兔曰狗瞻厥氣
而命之名行其野而狀其首大名則境分衛境山連
潞州高如大伾奇如浮邱巍巍列列形如布旂
于于勢若行舟朵欽謂大行迤邐而東延道元謂九
河委折而匯燕於以知東北為艮而為坎燕趙有山

而有川言觀其水滄溟瀟瀟黃河一瀉洪濤千里如
液如痰兩漳合滌滄泉濤沸淘汰邯鄲洺派激泓瀦
渺成安漑香杭而綠雲萬頃滋玉藕而朱錦千川迺
有潯沱駭浪驚波漢跡危歿號小黃河迺有清瀨蘊
彼霸邱浸淫廣陸東北漶漶風蕭蕭兮易水寒石磷
磷兮雷澤湍有涿水之沕沕有拒馬之漫漫范水上
而泮乎獨鹿霸水下而引夫龍泉盧溝結桑乾之尾
鮑邱助洶水之瀾猶如海淀湖如裂帛萬泉滉滉瀟

庫大澤水田龜圻溝塍冊冊遠樹綠以鬢鬢近風無
聲而有色侯家別墅掩映乎澍澍戚里池臺龍從乎
岌岌玉泉泱泱滙彼高粱夾亥龍而東注沛京邑之
坎方有流有渚有埽有塘水亭連月榭而倚岸松關
並蘭若而臨洋演迤澄澈九曲三折放乎太液之池
環乎瀛洲之凸天水帶遶乎重閣玉河橫瀉乎岸門
溶溶乎十里潏潏乎幾村濟潞河之逝波湧通惠之
來源復有九渡七渡玉帶金泉澆潏瀆潏積為廣川

浮東南之舟楫接江海之檣颿水晶之鹽百石霜春
之粒萬斛舳舻啣尾舳舻抗肩揚舠而集乎天廔鼓
枻而散乎市廛日南之犀象珊瑚嶺表之火齊木難
瓊海之虎刺龍鬚雷濱之鐵黎栴檀烟爍者翠羽之
屬煥艷者猩血之璫黃橙綠橘金豆石蓮白荊紫荔
天燭龍蟠萃八閩之珍鮮英石螺甲文織貝箋畫眉
一珠而百語孔雀五采而齊翩彙百粵之奇妍吳綾
璀璨兮越錦絳繚冰紈緹縞兮霧縠鰲躡八蠶之繭

如銀十景之纈如繪且而篚載綠雲甌封紅友甃瑩
嘉穀淞鱸蘭肘海鱉江鱖鯢翅石首竹號湘妃木名
鐵黎點蒼之石天巧會稽之擇冬肥浮梁之陶如大
邑剡溪之楮如白硯千瓊百麗細巧鉅奇有音有色
中矩中規又皆天府之所時御而閭左之所日希由
江淮而河濟靡弗溯洄以達乎京畿孤竹古墟山海
之陲漆灤一源而兩派陽渝殊流而同歸扶蘇曰泉
卑耳曰溪皆自北而南趨考桑經與酈注蓋小異而

大齊跡茲山陬水隰名城上邑閱七十二代之刳灰
積四千餘年之燥濕其間厥有名辟哲相高人古賢
淑媛才姬緇衣黃冠或鍾靈而崛起或寄跡而孤騫
或郭郭之宛在或楹棟之歸然文章之光芒萬丈咳
唾之馨香萬年今月曾經照古音徽猶未墜焉竊嘗
覽輿地之古錄檢玉海之秘牘城之古者漁陽平曲
北平博陸黃洛令支肥如孤竹樊輿廣養易京亞谷
射魚鴻郎甘城夏屋高陽武垣長豐古東東西二光

古柳古皮渤海無棣木門乳堤恒山葦澤逼乎潯水
之湄故權新市峙乎常山之岬栢鄉棘津唐晉攸基
扶榴煮棗漢魏式遺回車名村左車之勇難題示衣
號坂杲卿之忠未迷廣川大陸古號雄區下博鼓國
今存野墟列入與邯溝並歸甘陵共葛蘖相臚南緣
閃旌旄之色渚陽無揀度之模祖乙之都卽邢州之
廓建平之郭仍襄子之獲柴城以周宗而名栢人因
漢高而削顓頊城問古堞於東郭昌意城指荒邱於

南樂出宿于干風人咏乎頓邱之野復歸於亳周書
記自內黃之下雍榆一阜黎陽片瓦鞠為草而綿芊
瀦為湖而長瀉訾樓沙店燐火青青漆園南華秋水
亭亭后羿遷於窮石尼父畏於匡城是皆歷三千年
而虹亘輸二千里而星熒者也鄉之古者樓桑誌昭
烈之側陋北臺昭宋祖之發祥康節往而邵乃字村
克用歸而主乃有莊盤古故里僅存湮滅之九字沽
酒遺址未泯剝蝕之三行董江都兀自有里平津侯

不沒其鄉扁鵲賜田而成社石象載佛而未荒考之
古皆言言而仡仡攬於今率莽莽而蒼蒼樓閣之古
者披雲百尺燕角十尋鳴霜築於張監橫翠賦自劉
因大悲之鐸千古五華之鳥百羣日華宮闕邸第以
待士香魚館改廳事而蒞民百花高瞰乎溥濱天寧
夜聽乎潮音曰溫明曰大武龍栖鳳眠史記蕭王珠
簾玉壁人傳石虎臺榭亭堂之古者聚燕釣魚厥名
已樸嘯雲鎖風厥義有屬黃金蘭馬燕昭禮賢而築

高陽樂陵宋將耀武之躅虞邱即曰吾邱白鹿今稱
百鹿伏羲畫卦之臺碑字滅而難讀曹溪說法之址
梵音絕而復續招鷹訛為照影崇華豈是重華鹿臺
存以志戒秦臺大而非夸亭則玉淵玩芳南野匏瓜
擬江臨漪萬木百花乾坤北海江村水滄瀛洲第一
河邵蒼葭觀稼乃觀曲陽之稼喜雨非喜中山之雨
中人左人岐行唐而對舉廣陽華陽跨冀州而遙竚
栢暢見於水經禾成叛之王莽麥飯燕婁襲光武之

故事晚香望春思魏公之懿矩堂則萬柳陰沉在都
城之闕齋則古墨刻畫嵌宛署之碣塔則天寧之倒
影昌平之半截萬松籬沓乎市廛多寶襲越乎䟽轍
碑版卉木之奇而古者石經山之華嚴梵文文安學
之大觀閣帖辟離石鼓其數十其文縮其辭頌天子
之田獵古藤蜿蜒而橫舒雙檜亭亭而並列儀曹之
優鉢羅花似蓮而佛孕金房員丘之掬榆錢樹枯春
而莢凌秋結蜘蛛聽法而蛻築浮屠以茶毘蝼蟻化

魂而蟲集清明如邱垤樊輿之花嶼千年雞水之藻
莊四絕耕雲釣月紫陽之書法永垂鉛筑血痕漸離
之故廬未滅荆軻館臨易水之湄陳平宅指曲逆之
凸塚生紅草淋漓張興之血石翻雪浪髣髴蘇武之
節禹錫之陋室有銘元振之劍石猶裂寺壁畫水廟
壁畫鬼非道子其孰揭學步名橋回車名巷惟邯鄲
而有說黃梁夢處閣嵯峨馬陵道上風凜冽或則謂
世遠而蹟湮尚無忘地靈而人傑洪濊迄今億萬斯

年道德勲譽厥有名賢倉頡制字雨粟自天四目炯
炯厥象魂焉墨胎二子讓國翩翩叩馬採薇千古凜
然有如甯俞有如子鮮太叔免餘柳莊遽瑗史轡南
楚直亮高騫孔圉子華雅鑒文宣端木澹臺函文杏
壇嗣是而降趙疆於燕勲節烏奕竹冊摩編廉藺上
卿勍力相先歸壁負荆鄰國競傳執法好客馮服平
原漢興而曲逆功奇於六出北平學精乎歷律馮唐
能言魏尚之功竇嬰終平吳楚之獮汲長孺蓋寬饒

蹇諤可述雋不疑趙廣漢治行莫匹長公子贛循良
擅稱京房鮑宣抗疏漢廷王邛冠蓋雲臺並繪其形
劉昆片言而號長者王尊一叱而矢忠臣長垣吳祐
安平崔琦甘陵李雲廟虎牙而消沉渤海巴肅陽平
劉孺陽武謝弼剪貂璫而殞身陽球誅宦黨而匪酷
盧植抗董卓而獨存桓侯起於涿郡子龍產自東垣
晉則劉琨祖逖嶽嶽其英盧欽陽鷺杲杲其清南北
朝則張纘張綰昆李暨績於侍中宋龔宋弁後先流

徽於廣平高允之清貧可尚竇瑗之節操堪崇韓麒麟克端譽望韓顯宗丕振家聲盧道將以風槩引重魏子建以惠愛開誠崔士謙號江陵之良牧封隆之得真部之物情蘇瓊之雙瓜不剖石曜之一絹難縫隋之高潁當國論者以為真宰相榮毗司直百僚以為名中丞於唐則魏鄭公開國之人鑑宋廣平中興之碩彥宋慶禮効績於屯田杜景佺馳名於清猷盧懷慎既沒而知其夙廉潘好禮諫獵而請先當踐李

下無蹊徑尚真矯矯於東銓幕底有埋金杜進翫翫
夫可汗止珍禽異獸之捕玄宗時則有錢若水當關
中蕭何之託天寶末厥惟杜鴻漸不憚賊威卓彼李
承不墜家風懿茲盧與陽亢宗之救陸贄累日不休
劉棲楚之叩龍墀血流被面李臨淮靖羯鼓於咸陽
高南平掃蠶叢於雲棧李贊皇獻丹宸六歲劉林甫
罷赤牒鉅萬於五代則西門鄴李承約彌堅勁節劉
陳州王定州惠人胥悅趙侍郎不售偽斧碎佛牙盧

舍人不草牋瀛王結舌於宋則范魯公當時稱為真
相李文靖久而贊曰聖人佐命老成莫如趙普策勲
名將孰若曹彬呂端之大節在捲簾升殿孫冲之清
白在取硯還軍江躋以正心誠意為本劉甲以足履
實地致君於遼則仲誨世珍之表表於金則彥宗少
冲之矯矯元則滋溪先生有用有體昭文學士治歷
治水劉文忠郭守敬博學多材史天澤陳天祥立綱
陳紀文炳文用高城二龍王忱王結河朔雙士烏古

孫澤不屠泉州鮮卑仲吉全活俘縲張柔締一統之
勲王磐釋轉運之累於明則蔣廷瓚功成而獻劍王
靖遠勲高於錫芬王文肅馬恭襄兩朝之心膂股肱
崔廣宗岳瀋縣百年之氣節文獻傳文毅直糾大慶
法王王威寧蕩平小部善鄣李東陽不愧文正之易
名梁大用終膺世宗之追讚鄭襄敏洵邊陲之范韓
趙忠毅乃殿陛之蕃武鄭宗仁不著戎服孫約之身
親行伍孫高陽宣威於盧龍之塞范吳橋全節於演

象之所鹿忠節矯發金花李文敏力遏金虎是皆勲
名勒之鼎彝風節可足千古者也至若無事則為良
臣立朝而彰厥令聞時代雖云邇邈里籍稱說未泯
晉冀缺聚德而獲上漢溫舒緩刑而仁民王商肅敬
敦厚馮勤忠篤精勤鮑昱三世長德崔瑗七載明神
劉司農杜門絕迹田戶曹躬耕養親高柔徐邈盧毓
朱靈歎鐘鳴而漏盡人高田豫歌德行之堂堂世重
邢頤當漢末魏初而特達皆燕陲趙際之挺生崔伯

安門無私謁吳隱之飲泉厲節敦道薦賢莫如劉沈
諳練舊章實惟刁協兩世有名南皮石苞三郡稱治
清河房悅蔚然河朔之才都哉晉室之傑齊武圖張
緬於署丁零還李曾之鹿率禮從仁高允品藻張誕
惠政得民康侯酬庸張度高子集之對文帝人佩其
二言張白澤之諫高宗史傳其兩疏一祁二奚表陽
尼之薦子一時三少嘉李渾之濟美崔昂不許甘露
為祥平鑒能祝胥井得水輔世長民南北之望孰踰

乎此隋代之有德望者盧昌衡行為士則崔弘度令
出盜息張熒有識度盧愷持正色唐之有德望者高
儉三代掌銓崔瓘五階旌廉盧羣不按汾陽之一青
崔倫能抗吐蕃者六年使路澤而却幣馮伉所由爰
立書古事而連屏李絳於以稱賢李棲筠得吉甫而
世美張士衡生大隱而賞延迄歷三唐嗣及五代李
愚愚於依古作型龍敏敏於長揖不拜劇可久用法
明允王仁鎬諭盜允塞崔居儉家禮刑于竇禹鈞義

方永賴宋興劉載五論著名李符百條遺愛宋琪宋
雄一郡雙英竇儀竇儼五桂駢榮程羽賜第於汴京
李至師傅乎青宮晁迥之父掌詔張存之翁壻輩
聲遼之韓延徽裁決機務韓知古援據典故韓德讓
賜姓天潢耶律儼追稱尚父楊績論政有規杜防和
戎克睦劉景芴染宸書楊佺殷酣御醪張儉一代之
寶楊哲五經之麓金之張通古宰相而邀藩封時常
壽縣令而拜三公師安石陳龜鑑而懇懇孟浩然諫

涼樓而忡忡元之石忠宣有贊政之識劉文獻多撫
民之勩張立道德洽於滇南劉秉恕惠敷於河北張
文謙諫屠大理譚澄諭服蠻國尚文侃侃郤西域之
珠梁曾介介辭安南之幣王利用文政兼優張九思
薦賢得士梁德珪建言而啓肆赦之恩王思廉進講
而引通鑑之事張珪論相格心為體高鳴慎刑擅殺
自止鄴德進藉天象以諷君秦起宗習國語而譯史
蓋苗稱古遺直陳顥說書潛邸邢宗伯號曰錦衣散

人吳廉使纂集農桑舊聞敬文忠老而朝會不拜王
文正貴而遠嫌保身明之開叛制禮為尚始之則有
渥水之原名繼之則有藁城之崔亮溫原端重譽之
溫厚宋訥老成比之呂望劉知微名播安南之玉棺
董貝川寵承建文之玉杖李敏功在白茆浚塘李庸
榮於丹墀衣絳張鳳號為版張楊潭亦號版楊石玠
石瑤雙名潯水高擢高第嗣美灤陽魏純粹以理學
為經濟陳於陞以介操被褒揚王崇慶儒宗物望賈

應春完德兼長二邊坐鎮莫如董肅敏兩朝恩遇厥
惟李文康繼則事君以忠古訓是式見危授命烈節
足誌高漸離揮筑而甘矐樊於期引刀以自殪沮授
義不臣曹王經憤難忘魏祖皓討逆廣陵京諒抗賊
彭城崔楷勝獬豸之角鮮于碎瑪瑙之鐘洵齊梁之
勁骨咸南北之孤忠隋則盧楚遇難不去游元奉使
捐生唐則張巡刃妾而血堪化碧南八斷指而氣欲
吞虹盧奕張興舌褫安使之兇巢父惠元身犯懷光

之鋒宋則李若水淚濕欽宗之服張世傑舟覆南海
之風遼則甘鋸解者韓紹勛金則溺江波者畢資掄
元之王士元父烈子殉趙弘毅夫沒妻淪李齊固有
鐵膝張桓直是鐵身明之再世禍烈金川杜竒朱鑑
侯泰馬宣但知拒賊不知拒燕茅副憲鏤龍之咏可
誦卓尚書丹墀之疏堪傳明之中葉土木決裂黃綬
不愧竒童曹鵬無慙調燮曹石之變事起閩闕吳瑾
寇深禁門奮卽周麒斥江彬而髮指忠愍彈嚴嵩而

齒切啟禎兩朝忠鯁尤饒魏客魚休毒浮節饒梁心
獄瘐張汶撲敲甲申春季流氛晝燦北平上谷瓦甃
冰消成仁取義泰山鴻毛朱中丞易服而經於城櫓
金職方沉水而躍乎河橋孟忠端叱僕慷慨孟忠僖
題句鬱陶申太僕聞難趨闕成樞部畢命錫鐐保郡
孤危力抗賊師聲援已絕廈傾莫支張羅彥題面投
繯天來護屍金毓峒負印沉井不變鬚眉劉忠嗣殺
妻巷戰刀頭之火嫌姦張羅俊抱賊啗面齒間之血

淋漓尹都諫飲刃而卒無一語呂副戎叢鏑而體無
完肢姓氏垂馨於汗簡俎豆永饗於鄉祠於戲干羽
既舞旄旄迺張戡亂戢暴實維鷹揚燕趙尚武功懋
侯王卻穀敦詩說禮李牧示短用長公孫長史白馬
威彰勇聞三國文丑顏良牽招張郃郭淮韓當皆恩
信之丕著戰陣之處強張弘策尅城而秋毫無犯成
景雋復讐而一刀幾剝李崇之功以卧彪而爛劉亮
之名因卧龍而煥李高平威鬱於蠕蠕常安成名宣

於茹茹血戈墨盾傳永之兼資疇如龍唇豹頸高昂
之雄狀可圖梁魏齊國雖割據戰攻守功若合符隋
文收江陵酬庸於韓柱國晉王鎮并州敬憚乎李高
都唐興而王君愕能識大義李思行具饒機智毛藻
張進登弧著勲名振務挺簪纓克嗣蘇烈乘霧平羗
李旼開壁納降陳利貞仗劍定亂高霞寓獲鎧詔藏
傳良弼建牙於銀州之塞拓良器圖形於麟閣之廂
張歸霸拔矢而轉敗劉如謙枕戈而警懈高行周乘

雨而襲鄆城馬全節散財而却蜀旆孟方立節潞而
稱雄張歸厚鎮絳而奏最勒旗常於北朝留聲光於
五代宋扼三關於趙於燕如熊如虎勲猷桓桓潘美
佐命興國曹翰拓疆南北繼勲遵誨仁朗懷德受爵
周朝樹功宋室魏齊勅趙延進橫梁賦詩曹韜光曹
寶臣將種著績閭承翰鑿渠蒲陰馮守信浚河滑津
王防禦引強足畏劉節度射遠疑神郭逵為仲淹所
拔成閔致世忠是欽邵舍人功冠中興十三戰姚都

監勇敢金兵數萬人遼之趙思溫被創而尚方調藥
金之李霆功成而賜姓班爵元之舒穆魯明安不甘草
木之腐落薛塔喇海爭誇金虎之榮燦史天倪赤心
待人史天澤老而憂民平素強之亂鄭甫不忍玉石
俱焚釋藁城之俘趙迪能消溇岸青燐何伯祥徒手
搏敵王慶端夜甲共軍弘畧弘範范陽二雄伯鼎季
衡黎陽雙忠解誠之祖孫父子鄭義之叔姪弟兄樹
三世之駿伐遺一姓之芳蹤明初則趙耀楊洪運壽

折衝薛斌李貴錫冊崇封狩北則石銘冀傑安南則
銅標柳升郭武定世胄而擅詞賦朱恭靖將門而諳
掌故袁彬茹苦窮廬徐珏破冦韜韞朱驥三宥而三
易爰書田禮七戰而七傳露布施朝卿嶽嶽扶大國
之體常名爵馘馘有詩人之目原夫五經四子蘊隆
至理漢儒踳駁功利雜猥倡明羽翼河朔崛起魏則
劉獻之德行是先唐則李習之復性為旨宋之二程
一邵皆燕人而洛徙劉安世自不妄語為始邵子文

以申釋黨禍而止張九成迪君以誠劉常山敏學不
已金則張特立號為中庸先生元則王東明謚曰文
康學士劉文靖寓意一齋王文肅印心萬紙林起宗
心學繪圖顏師聖文節被誅明之秦亨精貫義經劉
矩橫渠是宗蔡國熙建書院而講學劉大寧闡太極
而蜚名王循吉賜號處士邵永春著述滿籬蔡汝濱
矯矯至行范子純恢恢實政李雙鶴弁冕顧厨李天
麟沉酣孔孟乃若秦仄既寒孔壁孰探豕魚帝虎榛

莽瀾漫漢有毛萇治詩河間韓嬰貫公輝映趙燕董
江都有王杯繁露之篇瑕邱公有穀梁左氏之編大
戴小戴曲臺一派周堪張禹石渠論對賈護秦恭授
受名輩韓伯高傳衣鉢於淮陽索盧敖設函丈於濮
陽楊綸房植清河胡常胥通經而奕奕乎冠裳晉之
束皙五經皆論而傳者惟笙詩之補亡經學式啓六
朝濟濟盧博士廣教五經之局監伯陽授書於四王
之邸陳太傅傳通九經張刺史專家三禮許懋擁臯

比於辟雍張雕橫簡冊於戟檠盧景裕專精注撰張
思伯梓刊列傳劉蘭授徒二百人李鉉著書三十卷
張吾貴新意居多熊安生疑義能辨董徵崔瑾師人
不倦隋馬光教授於瀛博之間唐嘉運開講於白鹿
之山孔穎達有五經正義王元感稱五經指南啖助
草三家之傑傳高重勒九部之石刊宋王豫筮易著
金韓中烟霞痼元瞻思精算數潘迪纂格物類編何
中測通鑑綱目明初首重明經武周文起於大興李

季鼎書庫有號黃潤玉學圃窮經溯自成德彬彬王
風郁郁菽苑書巢邦國有族荀况立言於蘭陵次仲
制字於上谷壽王能辨汾陰之鼎侯芭克受芸亭之
牘崔駰遇物能銘崔實無籍不讀張超之賦敲金酈
炎之才抱玉劉邵揆藻於三都允漢魏之驚驚張華
鳳箋寫志張載劍閣鐫字酈道元注桑欽之水經盧
辯解大戴之禮記魏收史才平恒博士能賦能詩陽
休之蔚彼時名飲酒讀騷盧元明成茲佳器奮英華

於北朝掉詞缺於五季隋則杜臺卿之玉燭寶典許
善心之神爵靈異崔頤魏澹劉焯劉炫褒貶之筆黻
黼之彥唐則盧彥卿纂輯魏紀李百藥論陳封建李
守素肉譜明通谷那律經庫淹貫李延壽正典切直
張懷瓘體論雅健三郎二蓋士林所豔四傑十才詞
壇攸美崔澄瀾緩轡咏詩盧知猷落簡措翰青錢萬
選張鷟精良美玉咸施李嶠華瞻高達夫五十學詩
崔元翰七旬弗倦長卿自為一集夢得獨存三卷李

華弔古戰場封敎賜錦制院司空曙聲韻孤高李陽
冰篆文兼擅賈島苦吟劉蕡切諫五代則扈載之賦
章百代皆羅崔稅之制詞一字難竄宋之纂文苑英
華者宋白李昉修冊府元龜者李維劉筠張昭口占
獻俘之禮柳開手著戒子之文扈蒙遺鰲山之稿宋
綬圖鹵簿之真田偉堂名傳古李淑家是書林石曼
卿風流跌宕王安石敏拔豐勻金則韓昉撰睿德之
碑韓玉製元勲之辭張盤溪日成百詠楊伯仁夜賦

十題麻九疇詔賜上第魏太初士奉師資元則鮮于
樞號漁陽斷墨郝天挺注唐詩鼓吹姚燧國統有表
劉遵採蕙茗詞高房山畫法米芾王學士筆誌高麗
李京鳩巢名集宋聚燕石傳詩水雲才子武伯威好
學恬退林屋洞主蘇大年枕籍遊嬉明則武或儒林
碩望張詩書法勁放頓銳漁嘯之帙幽妍盧枏蟻蠓
之集悲壯王青屏得詩王之稱邢雲路正歷律之妄
馮時化之酒史典核劉汝教之樵吟縱浪側聞顯潛

靡定舍藏行用迺有冥鴻高翔遠縉棄世逃名聲施
愈重許由掛瓢於箕山厥子遁跡於松盤紛高陽之
苗裔配巢父而駢傳漢則安平崔毅辭榮翩翩鉅鹿
孟敏被名帽帽時苗留犢標節張珩論寶稱賢晉霍
原不就司徒之位張晏卒成註史之志張巨和安道
賜名公孫鳳貞德予謚樹魚淵鳥吳慶之抗言高寄
食耕衣蠶馮偉之介操無貳隋則平棘之崔李齊名
頓邱之清豐特立盧鴻偕弟以優游豈愛蒿邱殷懌

渡江而冥搜非悅長洲甄濟引頸受劍志氣彌邁張
濟環山絕樵感孚何周鄭遨焚細君招隱之札李戡
抱試吏唱名之差宋則賈逸祖築齋半隱遼則張潛
却田遠遊金則王師揚閉戶罕見王德元誨人無倦
趙質一詩而賜膏腴杜瑛隔代而諡文獻元則有志
趣高尚之張淳潛心經史之陳彥梁浩然以號號溪
劉恣齋因名名店明則鄒野漁詩誚貪魚張紹烈書
歸烈蹴秦裕伯引故君以自譏多嘉禎由處士而交

薦况乃姬公材藝尼父多能前民利用智巧淹通思
入風雲技奪化工偏鵠受藥飲水樂已嘔酒止烘李
梵歷究三統王早法精九宮黃泓以信識而歸於晉
始智藏以診脈而顯於隋終李光謂益人惟有書籍
張恒因集書貴陟中丞吳遵世易林百卷信都芳算
法五宗景業能卜勸進顯祖許遵善相交懽神武劉
孝孫極駁閏差虛太翼固諫避暑李清雲門遇仙奚
鼎松烟有譜高正臣鏤棲霞之碕邢和璞隱瀛海之

詩歌撰百中王白自出機杼討論本草劉翰獨循規
矩劉完素悟起醉酒之仙杯張元素術精鑒心之大
芥李東垣十書最名任君謀四藝咸通李慶嗣和米
療疫李息齋畫竹研精趙世英承家之星歷田景延
絕世之丹青藝元塑像古粹劉冠印手神異劉于台
占唐山之一絕趙得秀作林慮之三戲古者賓旅有
典寓公迺傳鳳攬德輝高山大川燕趙千里詎繫無
賢豫讓名橋於盜壩仲連辭爵於邯鄲無忌受鄣城

之湯沐荆軻泣易水之衣冠馮嚴聚族於鉅下趙岐
匿影於河間關羽遇主於涿郡應邵託跡於幽燕陳
琳代袁紹之檄劉禪賦黎陽之山趙至易名而占遼
西之戶王猛鬻春而居魏博之邊王憲逢道武於高
邑范晔受徵聘於清河張燕公愛抱陽而築室王羲
方客魏郡而行歌家鉉翁改館瀛海孔汝器遠奔鄆
坡郝經設帳於保塞李椿卜居於潯沱薛瑄大儒元
氏懸弧沈鍊直諫譴踰蜚狐湛甘泉垂絳紗於濡水

李卓吾封宅窈於潞渠他如木杯錫杖玉石丹臺紫
氣西邁青蓮東來教演中土陶冶瓌材幽燕瀛冀本
本爰爰工氏瑰行真源聖胎燕有甘需能邀金母漢
有玄俗恒餐雲母琴高乘赤鯉而過涿流鮑靛煮白
石而度颶颶甘始誇南海之金郝姑嫁東海之嬪佛
圖澄示幻於邢州葛穉川煉藥於唐阜講經點石竺
道生本鉅鹿之籍羽化吐煙冠謙之實昌平之客梵
志剖擒癭之兒玄奘泛木匣之厄寶公坐卧乎石屋

靜琬茶毘於香樹薛頤築紫府於九爰師正占清泉
於高谷呂岩受枕於邯鄲張果策衛於恒麓一行定
八百歲之歷差惠能傳五六祖之燈錄洞玄羽化於
紫雲薛昌身輕於商陸俞靈墳絕粒而回風灑希誠
揮箠而致澍鄧隱峯倒化炫竒邱處仲棄屍佯怒普
真賣藥石坦分身劉商服朮許碣醉吟羅喬白羸行
壁守千紙衣示人崇辨屍解駭俗懷丙技巧絕倫田
志亨馴蛇表異劉道秀迷盜驚羣蕭淨興化鶴入夢

梅志仙徙栢出神蔡湛然賜名江月邱處機封號長
春海上老人瘞石賑餓東峯長老索叅紹鄰劉海蟾
解組入道壘無竭泛海尋真病虎運籌於幃幄鐵牌
驅神於雷電唐老姑投大茂之石崖尹蓬頭騎關西
之鐵鶴楊燧術竟脫棺郝姑雲來扶腳江水一天秋
王曰銓見道之作長空一月回宋善若了性之學懿
碩厚騎箕降獄天不愛道寡華挺實地庸愛寶鉅星
精而細土麗式山搜而澤討穀之屬兮黍稷離離粟

別三色秣分二宜稻尚石塘之粳麥多金玉之秣回
鵲之晚甘可作養芒角之年融迺為飴意以味侔乎
百粵巨勝香奪乎五芝蔬之屬兮香芹信是楚葵遂
州之黃芽切肪劈玉東垣之青韭露種霜肥春不老
琅玕輸碧草石蠶甘露比滋斲藍去莖而取抵懷香
小粒而繁枝蠶吾之土芋曰豆銀山之樹耳曰雞天
花為茵類之貴金針亦萱草之岐木蘭可羹而可染
水茄代菱而代梨花之屬則牡丹芍藥種分洛畦秋

海棠喜陰而畏曝北茉莉葩燉而子垂金粟更名鶯
粟翠蝶別字翠眉果之屬兮首誇瀛海之梨錦堂垂
盧龍之野香水發洺河之湄易水之挑扁郎山之柿
奇蘋婆色香味俱絕果瓜方圓銳不齊木之屬則松
栢椿檜檇槐桑榆楊柳桐梓檀樺椒橙苦楨留墨枸
橘編籬冬青搢笏山欖局棋檉杞垂箭儷靈和之濯
濯簣蓄蒼筤宛淇水之倚倚草之屬則豔稱佛土之
愁題馬鞭何策雀瓢誰携酸漿原名絳囊墨記隱若

點黛吉祥慎火龍珠虎鬚戴星宜男箭頭鈴兒觀音
色碧女羅線披藥之屬則薑石皓皓葛根施施南星
夏結地膚秋積五味為五行之粹百合因百瓣而締
讀書須餌遠志代茗或發疾藜劉寄奴蛇知療創禹
餘糧石可救饑白頭蒼耳蠱房兔絲藜蘆葦蒼丹參
靈脂天花漉粉地骨皺皮商陸秦朮馬烏牛臍慈葱
天藕鹿竹羊躑躅蛻生朶者最膏乳鍾石者稀夏枯
草葶藶之類夜明沙蝙蝠之遺莧蔚俗呼益母苧黃

直是蒲槌彙山川之品味古未殫於黃岐厥有衆產
兮復雜進而交馳不灰之木皸皸莫欺上水之石渠
渠倒漸房山之土五色馬峪之煤萬輜斑石壓點蒼
之版椽斗烏太素之綈百貨之屬利用不貲屯絹澄
織而勒棉布斗文且麗桑楮傳蒙恬之法松煙以奚
鼎為師菱花開易陽之市翠濤買適欄之瓶羽之屬
則舒鳧花鴨白鴉烏鷄鴛鴦鷓鴣桑扈鷓鴣鷓鴣
鴛鴦鷓鴣鷓鴣令戴勝鷓鴣鷓鴣鷓鴣鷓鴣鷓鴣鷓鴣
鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣

מלך ויהי ערב ויהי בקר

鯽名鮪漳鮪潯沱之玉尺狹如鱖鰾白洋之石蓮小
若鯢鮪介之屬則鼃鼃龜鼈蛤蚌蝸蛭蚶蛸蚌螯
蠍蟊蜚蟲之屬則蠶老三眠蜂分四栖蠹蟊以蟬聲
別字蟋蟀因促織登詩蛺蝶可入滕王之繪蜉蝣亦
紀傳咸之辭金鐘夜響鼃馬夕嘶蠟螭結塞螻蟻成
師馬陸百足牛蟻一雌蟲蝨百子螺贏異兒蟬食神
仙之字蛛吐經緯之絲水秀才非同河螭紅娘子即
是樗鷄蝶蛭蠃蛭蚱蜢蚱蜢螳蛄蚯蚓蠨蛸螭蜃螳

蜚蜚蚪蚪蟄蛭蚪田雞壁虎蝻螳螭飛蛾撲燭旋
蝸篆籀窮山經與水牒蓋萬景而千斯也猗歟

皇畿金甌玉燭爽塏兮赤堦黃壚閼閼兮山峽水澳飛
樓聳檣兮崇墉矗矗納駟停驂兮名閤簇簇干霄凌
漢兮閣館接乎宮牆納結納橐兮闌闌帀乎蔀屋迺
有玉臺金埒秦壘漢碣福地洞天梵林寶閣洸洸兮
虎豹當關闐闐兮龍彫建節陸輪蹕而水舳艫城絃
歌而埜粉榆有香芹潔藻之鄉校無金螭碧雞之邪

匪曠不咨乎雲漢溢不沸乎天吳且而臙珍膾錯煥
紈寒貉鞭騏策騶牽虛引獵嚙嚙然詡冀北之江南
嘒嘒然信士美而郊樂式可奠鼎以宅中無矜背邛
而面洛必也堯文思舜允釐禹祇台湯日躋文武成
康作求於本支瞿瞿乎邁漢文之恭儉恢恢乎軼貞
觀之弘遠翼翼乎天鑒在茲恤恤乎下民卒瘁好學
勤乙夜之披察邇慎綴衣之選他如雉頭焚裘羊矢
輟饕露臺惜費東都罷遊止輦可受折檻莫修誠懿

辟之方駕斯馨德之殷流載覩夔龍秉鈞俊乂充位
庶績其凝六府允治得賢撰頌聚星詹瑞又何有於
麒麟生鳳凰鳴屈軼出含譽品甘露降芝草榮雨暘
時若黍稷屢豐塗黦黃髮之叟里戲仁心之童諸福
之物踵至可致之祥存興也乎逝將麟膏西獻鳳髓
東薦日南貢昭涼不夜之珠漠北輸奔霄追電之駢
聲教訖於繡齒雕題王亨會乎堯封禹甸於戲

天卷

帝顧寵錫版宇哉建邦設都陳殷置輔哉奏假懷柔宰制包
舉哉欽茲

勲華謨烈之邳隆聿為天地神人之宗主哉

保陽賑濟賦

倪象愷

維我

皇御宇之二年兮歲支干以丁巳荷覆載之無私兮欣
恩膏其廣布既丕冒於震旦兮尤樂利於輦轂視乃積而
乃倉兮祝滿車而滿篝忽陰陽之偶愆兮厓

聖人之睿慮詔庸祖之蠲除兮截南漕以施濟開太倉之天庾兮用平糶而撫字或借籽以播種兮疊

恩膏於罔替

宮保承宣以沛澤兮命守吏而補助保陽為三輔首郡兮迨綢繆乎未雨予愧守夫此邦兮膺大任其茲懼時季夏之將杪兮沿村踵而身赴恐流離之失所兮緣比戶焉歷數減騎從以巡行兮先清苑而調護遍窮簷而噢咻兮曾不改乎此度鬱郎峰其聳秀兮周

雞水之灌注越一宿而晨興兮又滿城之跋涉惟農
服乎先疇兮士原食夫舊德五侯之雉堞在望兮燕
公之石穴堪接唯慰問之勤懃兮忽完縣之在即緊
二縣之曠乾兮幸未遭乎酷烈得安堵而無恐兮免
憂心之反側龍泉五穴之溯洄兮馬耳之雙峰芳薊
仰陳平之奇計兮弔木蘭之英烈自曲逆而南轉兮
循唐縣之唐河屆恒水而西注兮胡寇水之名訛由
戍茲而東顧兮洩慶都之餘波堯母奇於誕降兮萃

天地之太和由中山而東南兮溯東鹿之潯沱紅草
為忠血之化兮義奪祿山之妖麼酌或賑而或糶兮
天降災之無多又東為博野之區兮黎庶環而聽令
又東為蠡縣之境兮想博陵侯之重柄遵西南之大
道兮求祁州之故徑緣東北而觀覽兮歷高陽之綿
亘獨豬龍之為患兮聞泮泮而心驚三河為九河之
彙兮更難制夫鯨鯢安得同鱣魚之驅兮比昌黎之
令名水一發而滔天兮彼波怒如雷轟岸崩塌而漂

沒兮又遑計夫深耕越濡水而雄縣兮居趙北口之
塹鎮地當拒馬之衝哭兮為下河之巨浸合沙磁唐
而肆橫兮繞瓦橋以角競望新城之多艱兮加楊村
河之合并況胡良與渾合兮由南里而爭勝何濶澆
之困泣兮更漂流而饑饉亟捐賑而恐後兮實萬民
之待命羗西顧為定興兮古督亢之揚麾地居高而
坦平兮異他邑之陂池自范陽而延蔓兮為金遼之
界分想祖逖之擊楫兮救中原之瘡痍涉安肅而踐

路兮距白溝之水瀾加漕渠之漣渤兮民為魚之顛
危惟美蔬之甲天下兮士大夫此味之不可不知量
大小之災祲兮別高下而分施歷容城而過安州兮
宿新安而疇咨問容安新之仰食兮藉葭葦之紛披
或臨流而擊鮮兮收藍草而取資乃燒柴雜澁之漫
漫兮曾無一之實患葦鼠耗而靡遺兮魚不寸而早
市藍逐水而泛蕩兮又何從而會萃傷忠祠之松雪
兮悲賢塚之薜荔踏板橋之曉月兮破柳灘之晚翠

向紫泉而垂釣兮望龍灣而湛濟
悵容與而躊躇兮厯未盡乎撫字
察農野之游臻兮循歸途而少憇
越十五日而往賑兮竭焦勞而況瘁
至秋冬而平糶兮寓軫恤之深意唯

聖德為不朽兮又上官之一視予
小臣曾何能兮供奔走之位置
學蓋門之繪圖兮歌春浚而逮下
或計口而授食兮或按戶而分借
或拯溺而衽席兮或成陰於桑柘
或破涕而為笑兮或無年而多稼
或孤寒之待訪

兮或苦節之搜及或麟鳳之網羅兮或孤鼠之歛跡
或遷善而改過兮或旌淑而別慝或豐亨之漸致兮
或風俗之宜表凡此十七屬之周流兮總事事縈回
於懷抱憶賈輔之萬卷樓兮問郝經之記何存望郭
隗之金臺兮濟陶子之河津懷晏嬰之興發兮傷智
伯之艱辛思叱馭之九折兮更陽城之可親慕樂羊
之高風兮欽二程之先人想韓魏之功名兮瞻延昭
之城闔讀道元之水經兮痛甘羅之石欄傷楊令公

之戰功兮嘆劉孝子之無稱王陵之賢母如昨兮孟
姜之貞女常新要以由本計而推及兮用教養夫斯
民方忠職之不克修兮敢曰無慙守土之臣乃拜首
稽首而為之歌曰地寄馮翊兮京兆之隣

皇仁蕩蕩兮膏澤頻頻制府宣布兮手畫口詢萬民咸被
兮歡頌

一人暨予奉令矢慎矢勤從此千秋萬載兮遍大地之陽
春

畿輔通志卷一百十六

欽定四庫全書

畿輔通志卷一百十七

詩歌行

古

臨河歌

水經注孔子適趙臨河不濟歎而作歌

秋水衍兮風揚波
舟楫顛倒更相加
歸來歸來胡為斯

河激歌

列女傳曰女嬀者趙河津女也簡子南擊楚津吏醉卧不能渡簡子怒欲殺之嬀懼

持械走前曰願以微軀易父死簡子遂釋之將
渡用械者少一人娟攘拳操械而請簡子遂與
渡中流發河激之歌
簡子歸納為夫人

升彼河兮而觀清水揚波兮冒冥冥禱求福兮醉不
醒誅將加兮妾心驚罰既釋兮瀆乃清妾持楫兮操
其維蛟龍助兮主將歸呼來擢兮行勿疑

鼓琴歌

史記趙武宣王夢
見處女鼓琴而歌

美人熒熒兮顏若苔之榮命乎命乎曾無我羸

易水歌

史記荆軻將發太子丹及賓客送之
易水上高漸離擊筑荆卿和而歌

風蕭蕭兮易水寒壯士一去兮不復還

漢

武帝瓠子歌

瓠子決兮將奈何浩浩洋洋兮閭殫為河殫為河兮
地不得寧功無已時兮吾山平吾山平兮鉅野溢魚
弗鬱兮迫冬日延道弛兮離常流蛟龍騁兮方遠遊
歸舊川兮神哉沛不封禪兮安知外為我謂河伯兮
何不仁泛濫不止愁吾人齧桑浮兮淮泗滿久不反

兮水維緩

河湯湯兮激潏潏北渡迴兮浚流難
塞長菱兮沉美玉河伯許兮薪不屬
薪不屬兮衛人罪燒蕭條兮噫乎何以
禦水隕林竹兮捷石菑宣防塞兮萬福
來

鮑司隸歌

鮑氏驄三八司隸再入公馬雖瘦行步工

漁陽太守張堪君歌

桑無附枝麥穗兩岐張君為政樂不可支

獻帝初童謠

燕南垂趙北際中央不合大如礪唯有此中可避世

陌上桑

古今註羅敷邯鄲女子也採桑陌上趙王見而悅之羅敷乃彈箏作陌上桑之歌以

自明焉

日出東南隅照我秦氏樓秦氏有好女自名為羅敷
羅敷善蠶桑採桑城南隅青絲為籠繫桂枝為籠鉤
頭上倭墮髻耳中明月珠相綺為下裙紫綺為上襦
行者見羅敷下擔捋髭鬚少年見羅敷脫帽著稍頭

耕者忘其犂鋤者忘其鋤來歸相怒怨但坐觀羅敷
使君從南來五馬立踟躕使君遣吏往問是誰家妹
秦氏有好女自名為羅敷羅敷年幾何二十尚不足
十五頗有餘使君謝羅敷寧可共載不羅敷前致詞
使君亦何愚使君自有婦羅敷自有夫東方千餘騎
夫婿居上頭何用識夫婿白馬從驪駒青絲繫馬尾
黃金絡馬頭腰中鹿盧劍可直千萬餘十五府小史
二十朝大夫三十侍中郎四十專城居為人潔白皙

鬣鬣頗有鬚盈盈公府步冉冉府中趨坐中數千人
皆言夫婿殊

碣石篇

曹操

東臨碣石以觀滄海水何澹澹山島竦峙樹木叢生
百草豐茂秋風蕭瑟洪波湧起日月之行若出其中
星漢燦爛若出其裏幸甚至哉歌以詠志

孟冬十月北風徘徊天氣肅清繁霜霏霏鴈鷄晨鳴
鴻鴈南飛鷺鳥潛藏熊羆窟栖錢鏹停置農收積場

逆旅整設以通賈商幸甚至哉歌以詠志

鄉土不同河朔隆寒流澌浮漂舟船行難雖不入地
豐贖深奧水竭不流冰堅可蹈士隱者貧勇俠輕非
心常歎怨戚戚多悲幸甚至哉歌以詠志

神龜雖壽猶有竟時騰蛇乘霧終為土灰老驥伏櫪
志在千里烈士暮年壯心不已盈縮之期不但在天
養怡之福可得永年幸甚至哉歌以詠志

三國魏

文帝燕歌行

秋風蕭瑟天氣涼草木搖落露為霜羣燕辭歸雁南
翔念君客遊思斷腸慊慊思歸戀故鄉何為淹留寄
他方賤妾莞莞守空房憂來思君不敢忘不覺淚下
沾衣裳援琴鳴絃發清商短歌微吟不能長明月皎
皎照我牀星漢西流夜未央牽牛織女遙相望爾獨
何辜限河梁

晉

燕歌行

陸機

四時代序逝不追寒風習習落葉飛蟋蟀在堂露盈
墀念君客遊常苦悲君何緬然久不歸賤妾悠悠心
無違白日既沒明燈輝夜禽赴林匹鳥棲雙鳩關關
宿河湄憂來感物涕不晞非君之念思為誰別日何
早會何遲

齊

邯鄲才人嫁為廝養婦

謝朓

生平宮閣裏出入侍丹墀開筭方羅縠窺鏡比蛾眉
初別意未解去久日生悲顛顚不自識嬌羞餘故姿
夢中忽彷彿猶言承燕私

邯鄲行

陸厥

趙女擲鳴琴邯鄲紛躡步長袖曳三街兼金輕一顧
有美獨臨風佳人在遐路相思欲牽袿叢臺日已暮
梁

武帝邯鄲歌

回顧灞陵上北指邯鄲道短衣妾不傷南山為君老
元帝燕歌行

燕趙佳人本自多遼東少婦學春歌黃龍戍北花如
錦元菟城前月似蛾如何此時別夫婿金羈翠眊往
交河還聞入漢去燕營怨妾愁心百恨生漫漫悠悠
天未曉遙遙夜夜聽寒更自從異縣同心別偏恨同
時成異節橫波滿臉萬行啼翠眉暫歛千重結並海
連天合不聞那堪春日上春臺乍見遠舟如落葉復

看遙舸似行杯沙汀夜鶴嘯羈雌妾心無趣坐傷離
翻嗟漢使音塵斷空傷賤妾燕南陲

趙瑟曲

沈約

邯鄲竒弄出文綺哀弦急調切流徵玄鶴徘徊白雲
起白雲起鬱披香離復合曲未央

燕歌行

蕭子顯

風光遲舞出青蘋蘭條翠鳥鳴發春洛陽梨花落如
雪河邊細草細如茵桐生井底葉交枝今看無端雙

燕離五重飛樓入河漢九華閣道暗清池遙看白馬
津上吏傳道黃龍征戍兒明月金波徒照妾浮雲玉
葉君不知思君昔去柳依依至今八月避暑歸明珠
蠶繭勉登機鬱金香蘊暗香衣洛陽城頭雞欲曙丞
相府中烏未飛夜夢征入縫狐貉私憐織婦裁錦緋
吳刀鄭綿絡寒閨夜被薄芳年海上水中鳬日暮寒
夜空城雀

鉅鹿公主歌辭

三曲

官家出遊雷大鼓細乘犢車開後戶

車前女子年十五手彈琵琶王節舞

鉅鹿公主殷照女皇帝陛下萬幾主

幽州馬客吟歌辭

五曲

快馬常苦瘦勦兒常苦貧黃禾起羸馬有錢始作人
熒熒帳中燭燭滅不久停盛時不作樂春花不重生
南山自言高只與北山齊女兒自言好故入郎君懷
郎著紫袴褶女著彩袂裙男女共燕遊黃花生後園

黃花鬱金色綠蛇銜珠丹辭謝牀上女還我十指環

陳

羅敷行

顧野王

東隅麗春日南陌採桑時樓中結梳罷提筐候早期
風輕鶯韻緩霜洒落花遲五馬光長陌千騎絡青絲
使君徒遣信賤妾畏蠶饑

北魏

羅敷行

高允

邑中有好女姓秦字羅敷巧笑每回盼鬢髮復凝膚
脚著花紋履耳穿明月珠頭作墮馬髻倒枕象牙梳
姊姊善趨走襜褕曳長裾王侯為之顧駟馬自踟蹰
北周

燕歌行

王褒

初春麗景鶯欲嬌桃花流水沒河橋薔薇花開百重
葉楊柳拂地數千條隴西將軍號都護樓蘭校尉稱
嫖姚自從昔別春燕分經年一去不相聞無復漢地

關山月唯有漠北薊城雲
淮南桂中明月影流黃機
上織成文充國行軍屢築營
陽史討寇陷平城城下
風多能却陣沙中雪淺詎停兵
屬國小婦猶年少羽
林輕騎數征行遙聞陌頭採桑曲
猶勝邊地哀茄聲
哀茄向暮使人泣長望閨中空佇立
桃花落地杏花
舒桐生井底寒葉疎試為來看上林鴈
應有遙寄隴
頭書

木蘭詞

無名氏

唧唧復唧唧木蘭當戶織不聞機杼聲唯聞女嘆息
問女何所思問女何所憶女亦無所思女亦無所憶
昨夜見軍帖可汗大點兵軍書十二卷卷卷有爺名
阿爺無大兒木蘭無長兄願為市鞍馬從此替爺征
東市買駿馬西市買鞍韉南市買轡頭北市買長鞭
旦辭爺娘去暮宿黃河邊不聞爺娘喚女聲但聞黃
河流水鳴潑潑旦辭黃河去暮至黑山頭不聞爺娘
喚女聲但聞燕山鐵騎鳴啾啾萬里赴戎機關山度

若飛朔氣傳金柝寒光照鐵衣將軍百戰死壯士十
年歸歸來見天子天子坐明堂策勛十二轉賞賜百
千強可汗問所欲木蘭不用尚書郎願馳千里足送
兒還故鄉爺娘聞女來出郭相扶將阿妹聞姊來當
戶理紅粧小弟聞姊來磨刀霍霍向豬羊開我東閣
門坐我西閣牀脫我戰時袍著我舊時裳當牕理雲
鬢挂鏡貼花黃出門看火伴火伴始驚惶同行十二
年不知木蘭是女郎雄兔脚撲朔雌兔眼迷離兩兔

傍地走安能辨我是雄雌

唐

太宗飲馬長城窟行

塞外悲風切
交河水已結
瀚海百重波
山陰千里雪
迥戍危烽火
層巒引高節
悠悠卷旆旌
飲馬出長城
寒沙迷騎迹
朔吹斷邊聲
烟塵清玉塞
羗笛韻金鉦
絕漠干戈戢
車徒振原隰
都尉反龍堆
將軍旋馬邑
揚麾氛霧靜
紀石功名立
荒裔一戎衣
靈臺凱歌入

邯鄲客舍歌

岑參

客從長安來馳馬邯鄲道
傷心叢臺下一旦生蔓草
客舍門臨漳水邊垂楊下
繫釣魚船邯鄲女兒夜沽
酒對客挑燈誇數錢
酩酊醉時月正午一曲長歌壚
上眠

燕歌行

陶翰

請君留楚調聽我吟燕歌
家在遼水頭邊風意氣多
出身為漢將正直戎未和
雪中凌天山水上度交河

大小百餘戰封侯竟蹉跎歸來瀟陵下故舊無相過
雄劍委塵匣空門唯雀羅玉簪還趙妹瑤瑟付齊娥
昔日不為樂時哉今奈何

邯鄲南亭歌

李白

歌妓燕趙兒魏姝弄明絲粉色艷白彩舞袖拂花枝
把酒顧美人請歌邯鄲詞清箏何繚繞度曲綠雲垂
平原君安在科斗生古池坐客三千人於今知有誰
我輩不作樂但為後代悲

燕歌行

高適

開元十年客有從御史大夫張公出塞而還作
燕歌行以示適感征戍之事因而和焉

漢家煙塵在東北漢將辭家破殘賊男兒本自重橫
行天子非常賜顏色捫金伐鼓下榆關旌旗逶迤碣
石間校尉羽書飛瀚海單于獵火照狼山山川蕭條
極邊土胡騎憑凌雜風雨戰士軍前半死生美人帳
下猶歌舞大漠窮秋塞草衰孤城落日鬪兵稀身當

恩遇恒輕敵力盡關山未解圍鐵衣遠戍辛勤久玉
筋應啼別離後少婦城南欲斷腸征人薊北空回首
邊風飄颻那可度絕域蒼茫何所有殺氣三時作陣
雲寒聲一夜傳刁斗相看白刃血紛紛死節從來豈
顧勲君不見沙場征戰苦至今猶憶李將軍

邯鄲少年行

高適

邯鄲城西遊俠子自言生長邯鄲裏十場縱博家仍
富數處報讎身不死宅中歌筵日紛紛門外車馬常

如雲未知肝膽向誰是令人却憶平原君君不見今
人交態薄黃金用盡還疎索以茲感嘆辭舊遊更於
時事無所求且與少年飲美酒往來射獵西山頭

邯鄲少年行

鄭錫

霞鞍金口騮豹袖紫貂裘家住叢臺下門前漳水流
喚人呈楚舞借客試吳鉤見說秦兵至甘心赴國讐
宋

咏韓魏公閱古堂

富弼

朔方之兵勁于九土尤勁而要粵惟定武兵勁在馭
用則羆虎失馭而勁驕不可舉曰保曰貝閉壁連阻
武爵斯守束手就擒皇帝曰噫汝武昌取有敝必革
以儒干撫公來帥定始以威怒有兵悍橫一用于斧
連營憚之膽栗腰偃既懼而教如脂如乳以刺以射
以鉦以鼓無一不若師師旅旅列城自刺靡不和附
陰沴為梗降此大雨大河破洩在河之許民被黥墊
田入污莽流離蕩折不得其所公感曰吁予敢寧處

迺大招來乃大保聚乃營帛粟寒衣饑茹民歸而安
水下孰禦彊弱死生由公復慮曰義曰仁震肅春煦
合和蒸天天順以序公境獨稔爰麥爰黍公俗獨樂
夫耕婦杼人雖曰康公亦奚豫謂此一方以與兵具
務劇任重稽古人裕人皆謂公與古為伍公文化民
公武禦侮何思古人公不自許遂擇奇將繪于堂宇
列其行事指掌可數前有古人在我門戶後有來者
依我墻堵斯堂勿壞有堂有故堂之不存來者何覩

魏乎煥乎千載是矩

燕臺歌

司馬光

萬古蒼茫空盛衰燕臺賢客姓名誰君看碣石山中
草寧似昭王擁彗時

叢臺歌

賀鑄

累土三百尺流光二千年人生物數不相待推顏故
址秋風前武靈舊壠今安在禿樹無陰困樵采玉簫
金鏡未銷沉幾見耕夫到城賣君不聞叢臺全盛時

綺羅城市遊春輝一從凋輦閉荒草蕭散行雲無復
歸招魂想像風流在晴華露蔓猶依稀紫紆棘逕撩
人衣禾黍晚成豺貉肥層簷壁瓦碎平地夢作鴛鴦
相伴飛登臨弔古將語誰城郭人民今是非指君看
取故時物南有清流西翠微彷徨華表不忍去豈獨
遼東丁令威

元

燕歌行

劉因

薊門來悲風易水生寒波雲物何改色游子唱燕歌
燕歌在何處盤礴西山阿武陽燕下都歲晚獨經過
青邱遙相連風雨驟差幾七十齊郡邑百二秦山河
學術有管樂道義無丘軻蚩蚩魚肉民誰與休干戈
往事已如此後來復如何割地更石郎曲中哀思多
渾沱流漸行

王 惲

王郎何入著柘黃欲與赤伏爭翱翔漢炎中斷天復
熾肘後頑石胡為光蕭王揮戈指幽薊戰血滿野風

塵蒼募兵返得市人噓當時南馳亦蒼皇鳶鞬城東
渾水長北風烈烈天雨霜前驅候騎兩失色河雖流
漸無可航免肩麥飯未下咽大水橫合堅於梁古稱
王者阨不死淮陵一言殆天使赤龍已渡凌四開白
魚躍舟未逾此壇亭王氣如水清妖彗邯鄲死灰耳
彼蒼有意開真主固令若輩先驅處君看隴蜀最健
者一旦等蛙終漢虜王郎區區安足數蒼茫此日龍
華渡漠漠野煙生綠樹留在長河閱世人萬古朝宗

浩東驚

贊皇道中

元好問

去時唐山道望望鵲山背今朝西北看奇峯並可愛
蒼茫失層疊解駿見縈帶浮雲自來去盡巧寧變壞
吳粧入小筆隱隱拂殘黛城隅靜女人不知擁髻顰
眉如有待太行橫截九州半坐中山色古今在烟埋
雨沒今幾時殆天所藏予發之郭熙未足語平遠摹
寫誰有韋郎詩

居庸關

揭傒斯

昔望居庸南今出居庸北巖巒爭吞吐風水清且激
逶迤數十里曲折殊未息關門南向當天開馬如流
星車如雷荒雞一鳴關吏起列宿慘淡雲徘徊山盤
盤石圍圍山如龍石如虎龍怒欲騰虎欲舞太行餘
勢猶如許昔不容單車今馬列什伍聖人有道關門
開關門開處千萬古

咏孔巢父辭

楊維禎

孔巢父竹溪流竹溪之水可飲牛胡為去干肉食謀
孔巢父盍歸來平生苦無專對才魏州履虎幸虎斃
河中撩虎飼虎顏孔巢父不歸去十年東海迷煙霧
釣竿空負珊瑚樹

孔巢父唐隱者潭州觀察果如榮御史大夫真禍府
江淮蛇河北虎兩度奇亮逃網畧危機終蹈河中弩
孔巢父何不早掉竹溪頭竹溪溪邊來飲牛會看巢
父齊許由

登崇文閣歌

陳 璉

巍巍乎高哉崇文之閣兮吾不知其幾百尺突兀直
倚蒼冥中雕簷高飛近曉日瓊牕洞啓來清風前瞻
兮帝闕下顧兮辟雍京畿鬱兮千里五雲近兮九重
太行西來兮迤邐居庸北拱兮龍旌峯巒遠近其環
峙削出朶朶金芙蓉是中奇勝甲天下何況此地名
儒宗圖書浩瀚紛莫數文光夜吐猶晴虹漢家天祿
不可以復見幸喜斯閣之高崇值校文之多暇日徒

倚而從容愛扶輿磅礴之奇秀兮呼吸盡使歸心胸
闌干笑拍飛鳥上豪氣不減陳元龍俯視十二衢車
馬塵濛濛欲招太白老更約東坡翁葡萄酒傾瑪瑙
甕日醉三百玻璃鍾人間亦自有勝境何必飛度扶
桑東

明

涿州行

楊士奇

四郊茫茫沙草白青山迢迢亘西北涿州百里近都

門北來南去無晨昏道邊郵亭連古堠時平不置官
軍守土墻茅屋盡耕屯半挿青帘賣新酒伐石為碑
記古人淒涼遺刻百年存摩挲三嘆憶盛德路人為
指樓桑村

易水行

李東陽

田光刎頭如拔毛於期血射秦雲高道傍灑淚沾白
袍易水日落風悲號督亢圖窮見寶刀秦王繞殿呼
且逃力脫虎口爭秋毫荆卿倚柱笑不哧身就斧鑕

甘腴膏報韓有容氣益豪十日大索徒為勞荆卿荆
卿嗟爾曹

石鼓歌

李東陽

昔聞石鼓在太學鼓形穹隆石華蟲髣髴年釋褐隨班
行未識研覃與揚摧始官翰林歲分獻晚以代祀觀
尤數我思古人不可見健筆雄詞兩超卓宣王謨烈
繼成康況有文章存古朴是時風俗蓋渾灝其臣拜
誦俱堅確勒功太廟告中興誦武岐陽猶獵較於時

旋凱奏鐃歌於時颺言播聲樂靈祇地不愛圖書列
石天然謝雕琢垂垂股折屋漏痕隱隱昏星露芒角
初如淮徐振師旅壯士當場鳴劍槩又如申甫端冠
紳擯相聯皆舞干削年深歲長世運改誰向鴻荒究
繇邈嬴劉以後無此文直與混沌分清濁驟看筆勢
尋風骨細剔苔痕認斑駁原拋野擲墮榛管冬經雪
霜夏水電疑隳大鼎存銘識似毀明堂露榱桷當時
十鼓一為臼猶幸農家事春黻愛惜應勞神護呵搜

尋不厭山磽确暗中摸索本可知辨口尚煩泣楚璞
聖朝天子方好儒森列戟門護重帷聞之興慕見興
敬以手摩挲防擊撲我生學篆希前蹤下視俗書羞
齷齪家藏舊本出梨棗楮墨輕虛不盈握行年七十
始研求老臂支撐目昏眊拾殘補缺能幾何以一涓
埃裨海嶽太原宋生生好奇鐵筆為予親刻斷吁嗟
往者不復還庶免方來盡漫剝請從祭酒告諸生誦
此衣冠日薰濯

邯鄲行

石 珪

邯鄲女兒未二十堂下理箏堂上食梅魂清徹藕絲
柔舞罷花枝困無力羅幃繡幕春復春可憐白壁滯
風塵陌上幾逢朱履客花前誰是錦袍人人生有命
多不偶不獨西池蒲與柳李廣不侯馮衍貧文姬流
落明妃朽傷心萬事難具論積恨煙綿春草痕

觀石鼓歌

何景明

我來太學謁孔廟下觀戟門石鼓陳之罟詛楚已埋

沒此石照耀垂千春
苔昏蘚澁讀難下
蟲彫鳥剝細不分
古畫詰曲蛟龍隱
石氣慘澹烟霧紛
周王功勲史籀筆
數石細落岐陽濱
中興氣象豈復覩
大篆意格誰曾聞
先秦文字稍近古
兩漢摹搨多失真
六朝以來尚靡麗
鍾王往往稱通神
唐愈宋軾遞歌嘆
長篇險韻何悲辛
大觀之間入汴國
君王好藝崇斯文
高駝巨艦遠載致
金填玉嵌傳相珍
靖康乘輿忽播蕩
保和玩物隨烟塵
神驅鬼守散復聚
玉寶豈得空

沉淪文皇北來定燕鼎不置太廟留成均博士無煩
上書請書生頗得親講詢虛廊素壁安置穩大厦長
檐覆蓋新不隨鐘鼎怨磨滅已與琬琰爭嶙峋平生
博覽愛古跡世上墨本徒紛紜此雖殘缺歲已久尚
覺隻字輕千緡壁池日月動華袞奎閣星斗羅貞珉
嗚呼孔廟在萬世此石與廟長無湮

石鼓殘文歌

王維楨

我聞宣王石鼓史籀筆文辭間質字鈎利歲久剝落

摹搨昏讀字不得讀其意我登汪君堂見此倍惆悵
斷斷續續半形畫中興有蹟隨彫喪於乎文武成康
忽焉沒兮小雅盡廢鼎淪泥東都天子講田事吉日
堂堂聞鼓鼙岐山之陽廣且夷馬同車驟徒衆馳召
從百辟修舊典參伍齊足輝有儀蕭蕭悠悠天風吹
一聲振山山為披汧水沔水魚瀰瀰天子之所網羅
施徹圍從臣奏武成爰請礪石勒斯銘豈徒百辟匪
舒教要令千載知功名人言禽荒古有誠彼美宣王

罔攸解獫狁內侵蠻荆侮我武不揚我室壞安得與
君蒐遺編叅訂闕文俾完全三代一字一事傳豈為
區區點畫論精研

碣石篇

李攀龍

碣石中怒滄海北倚元氣吐欲若偃若起長風相薄
跳波千里懸流冒顛天漢外紀地軸高標轂轉白日
與齊俱入與汨俱出

登邯鄲叢臺有感作叢臺行

王世貞

邯鄲叢臺已非舊請說邯鄲傷時有吳家倩女苔乍
榮和氏連城月初剖臺上奏伎邯鄲姬臺下拔刃邯
鄲兒街將恩去身俱賤報得讐來主不知君莫謂平
原好公子三千去後應無幾堂中容傍信陵門軍前
士死長平壘叢臺不盡更檀臺回首豪華安在哉自
是魯連東海蹈千秋白日聳蓬萊

觀太學石鼓文歌

沈一貫

我吟車攻詩中語感慨中興周尚武湯湯不禁沔水

流簡衆安車居可睹西東王迹令人嗟千載蹉跎傳
石鼓雪壓霜侵野火燎牛羊抵觸礪斤斧窮荒一鼓
更流遷作曰田家春禾黍不知為雅復為風刪後十
章歸廟宇膚澤半亡神骨居剝剔不盡苔蘚古世間
小篆隸八分如子如孫從厥祖憶昔先王開明堂蒐
乘岐陽集纓組獻禽每復勒成功日佳丙申吉庚午
一時勝事絕古今子父燕然安足數逢逢辟廱鼓所
都鍾鼎盤彝此而五方今中興之明主有臣壯猷叔

與虎南平鬼方北平虜弓矢載索列干羽石鼓為我
驅前部

石鼓歌

董其昌

世間相傳墨數書五十六種名目奇中有岐陽石鼓
跡籀文千載存風規周道中興震威武五年巡狩修
上儀朱芾赤舄隨蒐狩告廟還鑄金石辭狀如天上
落星石剖割混濁光陸離雅頌之間格韻古尊彝並
列款識施千年枯石經蟲琢百丈斷厓蟠蛟螭務光

初翻倒薤日神禹手鑿岫嶺時數行剝落不成字仲
尼刪後賞者誰嗟嗟秦人埽王迹儒者六藝皆凌夷
隸文一起籀文廢俗趨簡便真難支鄒嶧之果俄歇
滅陽氷猶自尊相斯神呵鬼護石鼓在三代典刑良
可推吾聞吏部希古道一代山斗稱宗師綺靡餘習
混雅正眼看槌碎淮西碑以茲感慨叩石鼓裸如三
搗聲謹悲寄言同學鴻都子共挽文章八代衰

古墨齋雲麾將軍斷碑歌

李言恭

蒼頡史籀不可起蝌蚪鳥跡今已矣書苑千載尊鍾
王乃有北海接其軌秀勁首推雲麾碑當年落筆風
雨隨何人擊斷成柱礎神物終為造化私歲歲安置
荆蓐裊瓦礫冰霜竟誰視數字模糊苔蘚封雙螭斷
缺斤斧毀吾黨好古有李侯忽焉搜致如琳琅一朝
置向高齋壁拂拭光芒動斗牛李侯邀我把酒看白
日高堂氣自寒人生屈伸亦猶此屈於不知伸知已

渡易水歌

王衡

易水春激激白沙鬱相濛我馬踟蹰慘不進腰間劍
吼雙雌雄憶昔荆軻從此去送客如煙不回顧大風
立浪吹向人人面稜稜髮為怒當時漸離擊筑聲正
悲燕丹跪捧金屈卮手提將軍髑髏去血飲匕首紅
絲絲可憐秦庭輕一擲探鉛更笑盲而癡市中酒徒
但醉死枉我歌泣空相持

報國寺松歌

劉侗

報國寺松高於人引臂旁行遠作摩空意何年識得

空理圓東撐西拄皆空也無異時時掣臂却復舒兩
松欲語相頷如將至日月照影舞態麤風雨不休鼓
聲恚別立兩松嵯峨十丈高自恨格卑膽薄歛狂肆
踉蹌松邊趨不前一一詩人絕詩思仰觀俯視但一
驚遲而又久生愛畏我家楚山達松杳枝幹以根為
義類上窮蒼天下畢黃泉厥初志或觸頑石折而橫
行地枝上學之狀其悖不然空際何引避小枝交入
此因耳因聽梵音結梵字

觀渾河一帶奇壁歌

于奕正

水勢蕩山山忽裂捲土成濤飛赤雪夾岸高峯意未
降突生怪石磨奔龍噌吰殷殷震山起山頭草木思
他徙水難舟楫山難梁斫山成路路生銼趾行相錯
無堅步跳波拂面驚則顧水打沙摩石面頑廢堞山
灣址亦灣蒼黃老碧天地色豈有風雨敢剝蝕壁中
側入天光小石氣不平山不了

薊門田家歌

失名

我有數株桑堪為父母裳我有一樽酒堪為父母壽
我桑恐易凋我酒不常有今年幸減租杯來莫停手
本朝

邯鄲行

申涵光

西風吹落葉颼颼邯鄲道邯鄲流火後人家生白草
我聞邯鄲全盛時朱樓銀燭光琉璃趙女臨窗調寶瑟
樓前走馬黃金羈即今富貴皆安在惟有西山青
不改不見遊俠子白日報讐飲都市亦不見壚邊娼

華桂鳳髻明月璫舊城寥落荆榛裏樓臺粉黛皆茫
茫城邊過客飛黃土城上憑臨日正午照眉池畔落
寒鴉不信此地曾歌舞探轂沙邱去不迴霸圖消歇
更堪哀郢鄆之人思舊德至今猶上武靈臺

易水歌

熊賜履

易水寒金臺蹴可憐燕市舊酒徒白眼掀髯頻擊筑
枯松行

張英

慈仁古松樹蒼老不記年高下近十株為態各自妍

中有雙龍鱗蟠曲香臺前松頂近可摩高枝纔覆肩
屈彼百尺勢空階恣蜿蜒橫側益奇絕影若蛟螭眠
濤聲走平地雙樹撐如拳似此蒼勁質止宜空山巔
藉以一片石濯以清淺泉設設響絕壑垂手招列僊
何將故山態老卻車塵邊橫遭廝養辱強索冠蓋憐
冠蓋那復顧日落生寒煙一夕風雨過萎黃何忽焉
衆松失顏色臺殿增寂然惜彼凌霜姿遽隨羣卉遷
吾子勿復歎物各全其天

慈仁松下對酒歌

張英

長安八月天氣清
千門九陌秋盈盈
弟兄相將十五人
齊驅馬首過春明
春明門外紅塵起
共向慈仁寺裏行
璫璣離奇百寶集
遊人遊女傾都城
鈿車來往如流水
花驄驟裏嘶且驚
吾儕只坐長松下
秋風颯颯聞松聲
須臾燕市蜃樓散
冰輪蚤向松枝生
松枝影落空壇上
龍蟠蛟怒何縱橫
有客壺觴醉諸子
石欄松畔飛觥觥
倚徙徧飲諸松下
一松一斗如長鯨

天涯骨月兩珍重可憐俱是遊子情京國風塵改顏
色終朝逐逐如楸枰諸子孝威年最少猶恐異時相
逢呼老僮今夕良會不易得浩歌莫惜樽頻傾吁嗟
乎浩歌莫惜樽頻傾

馬蘭峪古松行

張英

古松鐵幹蒼還赭虬蟠虎卧長城下遙看翠色起寒
煙近訝蒼皮侵古瓦碧雲一片低不飛松頂平鋪復
堪把紉枝往復如有神奇姿勁挺誰能寫黃冠白髮

不記年塞月邊風自瀟灑特標孤節凌窮冬更送清
陰滌煩夏影閉荒城鶴不栖梢入空堂露常瀉落落
恥與羣木儔所悲幽人在中野挈雲幹折為懸弓覆
地枝殘因繫馬等閑夜半起濤聲闕山誰是知音者
渚陽行

王 揆

襄國之渚陽土壤半磽确東北指大陸形如釜底落
溢名與百泉牛尾共雞脚

皆河名

支條九派分水勢相

犄角由來失故道疏濬罕方略旱則遏上流澇則為

鄰壑於茲守土者往往望而却吾兒捧檄來夙夜尚
不作甲子當鞠凶春夏患流鑠麥苗盡槁枯溝澮胥
乾涸人情何時雨過時雨更惡七月布陰霾延至九
月朔連旬少日光狂霖恣噴薄決堤奔怒濤誰能共
挽縛野哭動村墟人牛都廢閣渺渺塔圯臺茫茫劉
累泊皆村名塵土變江湖田廬浸渾濁自古厄堯湯一
歲乃並作行將報兩災懼或干批駁愚民見催科無
知易謠詠縣官處其間心神暗焦灼不敢罷徵輸何

忍事敲朴寬猛總無濟此苦人未覺發賑傾倉儲施
糜倒殘橐鳩鵠如堵墻千百羣嗃嗃叟媪齊歎歔
羸強跳躍有時頑悍兒一二相搏攫秋冬已如此三
春命誰託百里斷炊烟何處食藜藿腐草漫充腸枯
楊皮盡剝相與爭菜根輒欲試砍斲竭蹶計拊循僅
足弭虜掠老夫卧荒署父子共悲悵親朋話夜半搔
首費壽度太息民命輕忽荷

君恩渥賜蠲去年逋下令停追捉新糧三免一寬徵蒙再

酌萬戶戴

皇仁不死便為樂豈意夏秋交橫流甚於昨煙波接混茫

駸駸偏城郭

乙丑七夕前十日大雨諸河汎溢

哀此饑餓餘望洋失

魂魄呼天天不言人謀嘆力索有客謂吾兒君才遇
盤錯清貧衆所知賠累將安著余曰公無言壯子行
幼學我民若少蘇馬用辭艱劇考成幸無罪且亟求
民瘼何以集丁徒隄防吏疏濬何以格神靈陽侯勿
肆虐士庶勉急公雨暘望時若

幽州馬客吟歌

五曲

王士禎

蚪鬚鐵衲襠來往城闕東臂上黃鷄子胯底綠螭驄
鷄子喜秋風一日三奮飛憎馬走十里脫轡不言饑
相逢南山下載獫狫從兩狼共作幽州語齊醉胡姬旁
鷄鷄持作絃鼉皮持作鼓前行單迴歌後行渾脫舞
三月慕容城枝棘齊發花有錢更打馬無錢作交賒

井陘關歌

王士禎

迴星城邊落日黃西來氣欲無太行栢巖雙壁稍狡

猶目成已覺心清凉天公一夜送寒雨千疊萬疊雲
錦張丹崖翠壁窈萬狀瑰奇娟妙難具詳綠蘿蕭蕭
罥中角石瀨颯颯漸衣裳峰迴徑絕不知數谿舂條
見開中央戍樓旌竿滿雲直橫亘長城環巨防冠山
子城瞰窮漠噴壑巨瀑聞雷硠登樓顧盼豁胸臆四
山雲氣爭飛揚蛇龍鬱律起眼底散為霖雨周八荒
闕南石勢更奇怪亦如突與連堂皇懸車束馬那可
度行人緣棧如秋秧幽并澤潞此天險飛鳥欲過愁

翱翔

聖代卽今罷烽燧空餘畫角吹嚴霜乃知地利未足恃此

關幾閱諸侯王

金魚池歌

曹爾堪

池邊風日足留賞曲水平堤暗旅蔣且駐巾車卧綺
疎啓扇拂簾楸枰響皎月樓開雲母屏商飈簾動珊
瑚網紺殿凌空青靄間步虛聲杳星辰上飛永烟沉
道士爐落霞閃映仙人掌畫明金闕翠華臨馳道清

塵畏來往玳瑁遊魚罨畫溪恍在江湖蕩蘭漿名園
不作金谷奢勝地差如輞川爽更喜諸公同賦詩讀
騷痛飲良可師今朝美酒注深爵明日殘花辭故枝
仕宦京華得高會追歡勝景皆恩私別後星河望渺
渺將離贈遠遙相思更餘千載悲秋淚漆髮丹顴非
曩時

王孝子歌

李光地

文安孝子二百年奕葉之孫宦中翰昨夜聞言歎且

啼今朝得閱前人傳父子歡然是性生亦緣慈愛日
相見世間孩幼失怙恃忘情絕憶更無算孝子心傷
無根草鮮民之生死所願尋訪一去十年賒周游何
止天下半自古完名乞與人必令諸苦皆填遍天公
憐無退轉心指點路途出夢幻在昔明初高皇時給
諫侯公救父難彼父在謫身可踪難者生死無音信
中葉風厲道寢衰莫將行誼當朝薦事君不求孝子
門使捕魚蝦老葭亂獨有神明感至德孫枝茂衍科

名存我曩承乏撫邦畿往來洄溯文安淀鞅掌未暇
聽風謠愧不表彰誠覲面雖無文采動法宮長歌庶
作薄夫勸

灤水歌

李士模

灤水一何清喧飀日不止迴風噴雪過大荒渡壑穿
巖數千里入關幾處抱巖城形勢如弓復如矢岸邊
荒沙高接雲波底驚石紛若齒黯黹能令白日寒天
陰時有蛟龍起憶昔榆關正用兵旌旗白羽亂縱橫

萬舸平衝波上月清茄吹徹龜鼉驚物換星移仍此
水不改濤聲改戰壘兩兩沙鷗弄夕陽落葉秋風傷
遊子

玉女塘歌

黃叔瑄

汪汪塘水清澈底照見貞魂此中委欲將巾幗扶綱
常何妨身命同敝屣齊眉偕老付空言良人化去妾
韶年韶年無復花枝映盡却釵鈿塵破鏡霜松雪竹
表芬芳可使旁觀作話柄潢池一旦起紅巾落花飛

絮徒酸辛肯令失足污賊手
梵梵原是未亡人
高山
我我石齒齒下有深潭難俯視榮辱只分咫尺間
那
有片時容倚徙騰身一踴千丈強驚波蹴起如銀滄
軀雖不完即可保珠沉玉碎等尋常
蓉裳荷蓋文魚
騰江妃水仙爭迎訊馮夷擊鼓舞蛟龍
伊人宛在水
晶宮至今不宿鴛鴦鳥
長笛灝氣嘯悲風野夫指點
欣稱道此事可容傳者少
炫服凝粧儀象新
恐非玉
女心所好歌謠願得播人寰
留得香名覺懦頑
雲影

天光常不染年年惟有野棠殷



畿輔通志卷一百十七